



Province of the
EASTERN CAPE
EDUCATION

**NASIONALE
SENIOR SERTIFIKAAT**

GRAAD 12

SEPTEMBER 2012

AFRIKAANS EERSTE ADDISIONELE TAAL V3

PUNTE: 100

TYD: 2½ uur



Hierdie vraestel bestaan uit 10 bladsye.

INSTRUKSIES EN INLIGTING

1. Hierdie vraestel bestaan uit DRIE AFDELINGS:

AFDELING A:	Opstel	(50)
AFDELING B:	Langer Transaksionele Tekste	(30)
AFDELING C:	Korter Tekste, Transaksionele, Naslaan- en Informatief	(20)
2. Beantwoord EEN vraag uit ELKE afdeling.
3. Skryf in die taal wat geassesseer word.
4. Begin ELKE afdeling op 'n NUWE bladsy.
5. Jy moet jou skryfstuk beplan, redigeer en proeflees. Gebruik byvoorbeeld 'n kopkaart of 'n vloeiagram of sleutelwoorde, ens. Doen jou beplanning VOORDAT jy die finale produk vir elkeen van die afdelings skryf.
6. Alle beplanning moet duidelik aangedui word. Trek 'n streep deur die beplanning as jy jou finale weergawe oorgeskryf het.
7. Skryf duidelik die woorde FINALE SKRYFSTUK boaan die skryfstuk wat geassesseer moet word.
8. Nommer die skryfstukke soos wat dit op die vraestel verskyn.
9. Voorsien elke skryfstuk van 'n gepaste titel/opskrif.
10. Tel jou woorde en skryf dit regs onderaan die skryfstuk in hakies. LET WEL: die titel/opskrif word nie in aanmerking geneem as die woorde getel word nie.
11. Skryf netjies en leesbaar.

AFDELING A: OPSTEL**INSTRUKSIES**

1. Kies EEN vraag om te doen.
2. Die lengte van jou skryfstuk (opstel) moet tussen 250 en 300 woorde wees.
3. Maak seker dat jou skryfstuk 'n titel het.

VRAAG 1

Is jy ook al moeg om altyd te hoor dat jy harder moet werk óf harder moet oefen om die beste te kan wees in wat jy doen?


'n Graad 12-leerder het die volgende aan *Jip* (27/6/2011) geskryf:

“Jou lewe sal 'n baie goor (sleg) plek wees as jou wêreld om wen draai, want daar is altyd iemand sterker, slimmer en mooier as jy.”

Vertel jou ouers, onderwysers en vriende hoe jy oor al die druk voel wat hulle op jou plaas om te presteer.

Titel: Wen is nie die alfa en omega nie!

[50]

VRAAG 2

STOKVEL is 'n geldspaarplan wat jou ouers en grootouers al vir baie jare gebruik om geld te spaar vir 'n vakansie of om skoolgeld te betaal. Jy is egter nie oortuig daarvan dat dit die beste manier is om met jou geld te werk nie. Skryf 'n opstel waarin jy na die voordele en nadele van 'n STOKVEL kyk. Jy moet tot 'n definitiewe gevolgtrekking kom.

Titel: STOKVEL

[50]

OF

VRAAG 3

Skielik is daar 'n nuwe formule, naamlik M^3 ! en dit staan vir:

M^3 : MAAK MATRIEK MAKLIK

Verduidelik, met voorbeelde, hoe jy dink matriek makliker en interessanter gemaak kan word.

Titel: M^3 – dis hoe!

[50]

OF

VRAAG 4

Vertel die storie agter die woorde: “*Ag, nie al weer nie!*” Dis jou keuse of jy jou opstel met dié woorde wil begin, of eindig.

Titel: Ag, nie al weer nie!

**[50]****OF****VRAAG 5**

Jou skool het met '*n Leer mekaar ken-dag*' begin. Dit is 'n dag waar die onderwysers en leerders rolle omruil. Die leerders word die onderwysers en die onderwysers word die leerders. Die leerders mag kies met watter onderwysers (-esse) hulle die dag wil ruil.

Beskryf aan ons jou dag as onderwyser(-es) in jou skool.

Titel: Die nuwe onderwyser(-es)


[50]**OF**

VRAAG 6

Bestudeer die volgende visuele tekste noukeurig. Laat jou gedagtes gaan en kies EEN om oor te skryf. Jou skryfstuk moet kreatief wees en ooreenstem met die boodskap wat die prent uitbeeld.

Titel: Voorsien jou skryfstuk van 'n **gepaste titel**.

6.1



[BRON: *Huisgenoot*, 9 September 2011]

6.2




[BRON: *Rapport*, 15 Mei 2011]

6.3



[BRON: *Huisgenoot*, 10 Maart 2011]

6.4



[BRON: *Sake 24*, 8 Mei 2011] **[50]**

TOTAAL AFDELING A: 50

AFDELING B: LANGER TRANSAKSIONELE TEKSTE**INSTRUKSIES**

1. Kies EEN vraag om te doen.
2. Die lengte van jou skryfstuk moet tussen 120 en 150 woorde wees EN moet aan die einde van jou skryfstuk tussen hakies aangedui word.
3. Maak seker dat jy die instruksies by elke vraag goed deurlees en volg.

VRAAG 7: FORMELE TOESPRAAK

As bogenoemde name vir jou bekend lyk, is dit omdat dit van die skrywers en digters is wie se stories of gedigte jy in die klas gelees het. Jou skool het 'n Afrikaanse-kultuurweek en een van die skrywers is genooi om die skool toe te spreek.

Jy is gevra om namens die skool die skrywer of digter welkom te heet en aan die skool voor te stel. Skryf jou **toespraak** neer.

[30]**OF****VRAAG 8: TYDSKRIFARTIKEL**

Daar is op die oomblik groot bekommernis oor die standaard van spelling onder hoërskoolleerders. Jy het ondersoek gaan instel oor hoekom leerders so swak spel. Jou bevindinge *en* aanbevelings gaan in 'n tydskrif gepubliseer word.

Skryf jou **artikel** vir die tydskrif.

[30]**OF**

VRAAG 9: DIALOOG

Dit is 10 jaar nadat jy gematrikuleer het en jy is deur jou skoolmaats gevra om 'n reünie te reël. Jy moet kontak met jou skool maak om die reëlings daarvoor te tref.

Skryf die **telefoniese gesprek** tussen jou en die skoolhoof neer.

[30]**VRAAG 10: FORMELE BRIEF**

Jou skool is baie betrokke by die plaaslike noodhulpdiens en het 'n groot kompetisie gewen. Die noodhulpbrigade moet oorsee aan die wêreldbeker vir noodhulp gaan deelneem.

Skryf die **brief** waarin die skoolhoof die ouers van die leerders gelukwens en die reëlins vir die oorsese reis gee.

[30]**TOTAAL AFDELING B: 30**

AFDELING C: KORTER TEKSTE**INSTRUKSIES**

1. Kies EEN vraag om te doen.
2. Die lengte van jou skryfstuk moet tussen 80 en 100 woorde wees EN moet aan die einde van jou skryfstuk tussen hakies aangedui word.
3. Volg die instruksies by elke vraag noukeurig.

VRAAG 11: VORM

Maak gebruik van die **inskrywingsvorm** wat voorsien word. Maak dit los en heg dit aan jou antwoordeboek.

Bestudeer die inskrywingsvorm vir Mnr. en Mej. Hoërskole. Die vorm is nie voltooi nie. Jy moet nog die **reëls vir die kompetisie** in die spasie op die vorm **invul**.

[20]**OF****VRAAG 12: NOTAS**

Julle het eendag in die klas gestry oor watter soort pizza die lekkerste is. Jy en twee van jou maats het toe besluit om drie verskillende soorte pizzas te koop en te proe.

Soos julle geproe het, het julle notas gemaak. Skryf hierdie **notas** neer en verduidelik dan waarom julle die spesifieke pizza as die wenner aangewys het.

[20]**OF****VRAAG 13: KLEINADVERTENSIE**

Een van jou skoolmaats is tragies in 'n taxi-ongeluk dood. Jy is verantwoordelik om dit in die koerant bekend te maak.

Skryf die doodsberig en plaas dit onder die sub-hofie, **Sterfgevall**e, in die koerant.

[20]**OF**

VRAAG 14: VOORSTELLE

Jou skool maak gebruik van 'n posbus waarin leerders voorstelle kan plaas as hulle iets nuuts in die skool wil doen of oor iets in die skool wil kla.



Noudat jy die skool verlaat, wil jy ook 'n paar voorstelle maak.

Skryf hierdie **voorstelle** van jou neer sodat jy dit in die posbussie kan gooi.

[20]

TOTAAL AFDELING C: 20

GROOTTOTAAL: 100

